



Broj: 01-2-4040/15
Sarajevo, 27.10.2015. godine

MEDIJIMA

Predmet: Saopćenje za javnost

AGENCIJA ZA BANKARSTVO FBiH POTPISALA SPORAZUM O SARADNJI SA EUROPSKIM BANKARSKIM AUTORITETOM (EBA)

Agencija za bankarstvo Federacije Bosne i Hercegovine, zajedno sa Agencijom za bankarstvo Republike Srpske, Narodnom bankom Makedonije, Centralnom bankom Crne Gore, Narodnom bankom Srbije i Centralnom bankom Albanije potpisala je Sporazum o saradnji sa Europskim bankarskim autoritetom (EBA), kojim zemlje potpisnice stiču status ravnopravnog učešća u razmjenama informacija sa članicama Europske Unije (EU), kada je u pitanju poslovanje i supervizija bankarskih sistema.

Dogovor je postignut pod pokroviteljstvom Bečke inicijative, a u okviru sporazuma osigurano je da će EBA obavještavati nadležne supervizore o relevantnim promjenama regulative, te će na taj način olakšati njihovo učešće u supervizorskim koledžima.

EBA će također otvoriti redovne edukativne aktivnosti za potpisnike sporazuma, koji će slati obavještenja EBA-i sa svim informacijama vezanim za promjene u svojim bankarskim sistemima, koja će biti korištena za analizu potencijalnog rizika.

Prema sporazumu, nadležne institucije će težiti da prilagode svoje zakone, nadzorne standarde i institucionalna pravila u skladu sa istim u EU, prema rasporedu prilagođenom uslovima u svakoj zemlji pojedinačno, a zemlje potpisnice će imati mogućnost davanja sugestija na regulativu koja je u pripremi.

URED ZA INFORMIRANJE FBA